

Malagasy Protestant Church in France
Madegassische Protestantische Kirche in Frankreich

Eglise Protestante Malgache en France

Fiangonana Protestanta Malagasy aty Andafy



Siège national

47 rue de Clichy
75009 Paris

Tél. 01 45 96 03 05

David sy Goliata

Davidana sy Goliata

1. 1 Sam 16, 11-13 Ny nanosorana an'i Davida ho Mpanjaka

2. 1Sam17, 39-50 Ny adin'i Davida sy Goliata

3. 1Sam 18,7-8 Ny nahalasa fahavalon'i Saoly any Davida

4. Ny Salamo faha 23

5. 1Sam 22, 1-2 Io no teny farany izay tsy dia fantatry ny maro kanefa manana toerana eo amin'ny fanazavana ny fiainan'i Davida

Davida mpiandry ondry...

11 Ary hoy Samoela tamin' i Jese: Tapitra eto avokoa va ny zanakaolahy rehetra? Dia hoy izy: Ny faralahy no sisa, fa miandry ondry izy. Ary hoy Samoela tamin' i Jese: Maniraha haka azy, fa tsy hipetraka hihinana isika ambara-pahatongany eto.**12** Dia naniraka izy ka nitondra azy hiditra. Ary mena volo [Na: tendron-tava] izy sady bary maso no tsara tarehy. Ary hoy Jehovah: Mitsangàna, hosory izy, fa io no izy.**13** Ary Samoela nandray ny tandroka feno diloilo ka nanosotra azy teo amin' ny rahalahiny; ary ny Fanahin' i Jehovah dia nilatsaka tamin' i Davida hatramin' iny andro iny. Dia nitsangana Samoela ka nankany Rama.

David a mpiandry ondry...

1. Manomboka eto ny tantaran'i Davida
2. « Mitsangana hosory izy fa io no izy » 16 :12b
3. Azo atao ao an-tsaina izao fanosorana an'i Davida izao rehefa mamaky ny adin'i Davida sy Goliata
4. Satria hita ao ny fitantan'Andriamanitra izay voafidiny




Ny adin'i Davida sy Goliata

39 Ary Davida namehy ny sabany tamin'ny akanjo fiadiany, dia nanandrana handeha; fa tsy mbola nahazatra azy izany, ka hoy izy tamin'i Saoly: Tsy afa-mandeha amin'ireto aho, fa tsy mbola nahazatra ahy; ary dia nesorin'i Davida izany. 40 Dia nitondra ny tehiny teny an-tànany izy sady nifidy vato kilonjy dimy tao amin'ny lohasahan-driaka, ka nataony tao anatin'ny kitapo fitondran'ny mpiandry ondry, izay teny aminy, ary ny antsamotadiny koa teny an-tànany; dia nanatona ilay Filistina izy. 41 Ary ilay Filistina nandroso nanatona an'i Davida, sady teo alohany ilay lehilahy mitondra ny ampinga lehibe. 42 Ary nony nijerijery an'i Davida ilay Filistina ka nahita azy, dia nianjonanjona taminy, fa tanora izy sady mena volo* no tsara tarehy.[Na: tendron-tava]; 43 Ary hoy ilay Filistina tamin'i Davida: Alika angaha aho, no hatonin'ialahy amin'ny tehina? Ary nanozona an'i Davida tamin'ireo andriamaniny ilay Filistina 44 sady nanao tamin'i Davida hoe: Avia etỳ amiko, dia homeko ny voro-manidina sy ny bibi-dia ny nofon'ialahy. 45 Fa hoy kosa Davida tamin'ilay Filistina: Hianao manatona ahy amin'ny sabatra sy ny lefona ary ny lefom-pohy; fa izaho kosa manatona anao amin'ny anaran'i Jehovah, Tompon'ny maro, Andriamanitry ny miaramilan'ny Isiraely, Izay efa nohaikainao. 46 Anio no hanoloran'i Jehovah anao amin'ny tanako, ary hamely anao aho ka hanapaka ny lohanao, dia homeko ny voro-manidina sy ny bibi-dia ny fatin'ny miaramilan'ny Filistina anio, mba ho fantatry ny tany rehetra fa manana Andriamanitra tokoa ny Isiraely. 47 Ary ho fantatr'izao fiangonana rehetra izao fa tsy sabatra sy lefona no amonjen'i Jehovah; fa an'i Jehovah ny ady, ary hanolotra anareo ho eo an-tananay Izy. 48 Ary nony niainga ilay Filistina ka nanatona hitsena an'i Davida, dia nandroso faingana Davida ka nihazakazaka ho eo amin'ny laharan'ny miaramila hitsena ilay Filistina. 49 Ary natsofok'i Davida tao an-kitapo ny tananay, ka naka vato tao izy, ka dia nalefany tamin'ny antsamotady, ka nahavao ilay Filistina tamin'ny handriny, ary nilentika tamin'ny handriny ny vato, dia potraka niankohoka tamin'ny tany izy. 50 Toy izany no nandresen'i Davida ilay Filistina tamin'ny vaton'antsamotady, fa namely ilay Filistina izy ka nahafaty azy, ary tsy nisy sabatra teny an-tànan'i Davida. I Sam 17:39-50

Ny adin'i Davida sy Goliata

1. Eto no ahafantarana zavatra vitsivitsy mikasika ny fahatanoran'i Davida
2. Mpiandry ondry Davida 1Sam 17,15
3. Tany am-piandrasan'ondry no nianarany niankina tamin'Andriamanitra ka nasahiany niady tamin'ny bibidia
4. Rehefa nanao izany matetika izy dia tsy nampatahotra azy ny hiady tamin'i Goliata
5. Nandresy izy noho ny fahatokiany an'Andriamanitra



Ny nahalasa fahavalon'i Saoly any Davida

7 Ary ny vehivavy mpandihy dia nihira hoe: Saoly nahafaty arivoarivo; Fa Davida nahafaty alinalina.

8 Dia tezitra indrindra Saoly, fa tsy sitrany izany teny izany, ka hoy izy: Ny an'i Davida nataony alinalina lahy, fa ny ahy kosa nataony arivoarivo ihany; koa ny fanjakana ihany no sisa tsy mbola azony. 1 Sam 18, 7-8

Ny nahalasa fahavalon'i Saoly any Davida


1. Lasa nankahala an'i Davida saoly ka nitady ahafaty azy

2. Iza no niadian'i Saoly sy notoheriny?

- Andriamanitra izay nanosotra an'i Davida

-Ny fikasan'Andriamanitra no tiany horavana

-Tsy nahasakana izany anefa Saoly fa tonga Mpanjaka Davida



Ny nomban'Andriamanitra ny voahosony

1 [Ny Mpiandry Tsara] Salamo nataon'i Davida. Jehovah no Mpiandry ahy, tsy hanan-java-mahory aho, 2 Mampandry ahy amin'ny ahi-maitso Izy; mitondra ahy eo amoron'ny rano fialan-tsasatra Izy. 3 Mamelombelona ny fanahiko Izy; mitarika ahy amin'ny lalan'ny fahamarinana noho ny anarany Izy. 4 Eny, na dia mandeha mamaky ny lohasaha aloky ny fahafatesana aza aho, dia tsy hatahotra ny loza aho, fa Hianao no amiko; ny tsorakazonao sy ny tehinao, ireo no mahafa-tahotra ahy. 5 Mamelatra latabatra eo anoloako eo imason'ny fahavaloko Hianao; manosotra diloilo ny lohako Hianao; ny kapoakako feno dia feno. 6 Eny tokoa, fahasoavana sy famindram-po no hanaraka ahy amin'ny andro rehetra hiainako, dia hitoetra ao an-tranon'i Jehovah andro lava aho.

Salamo 23

Ny nomban'Andriamanitra ny voahosony

Lasa fanekem-pinoana sy fijoroana
vavolombelona ary fiantsoana ny fiainan'i
Davida

1. Iantsoana ny tsirairay
2. Iantsoana ny fianakaviana sy ny Fiangonana
3. Indrindra fa ny firenena
4. Maro ny Goliata eo amin'ny Fianantsika sy ny Fianam-pirenena....

-Hatrany Egypta ka hatrany amin'ny tany
Kanana : Jehovah no Mpiandry ondry



Salamo 22:1-2

1 [Fitarainana mafy noho ny fahoriana, ary fisaorana noho ny fahafahana, sy filazana ny handrosoan'ny fanjakan'Andriamanitra] Ho an'ny mpiventy hira. Alaieth-hasahara. Salamo nataon'i Davida. Andriamanitra ô, Andriamanitra ô, nahoana no dia mahafoy ahy Hianao? Lavitra ny famonjena ahy ny tenin'ny fitarainako.

2 Andriamanitra ô, miantso aho nony andro, nefa tsy mamaly Hianao; ary nony alina, nefa tsy mahita fiononana aho.

Ireo mpanaraka an'i Davida

1. Tena manam-pinoana satria tsy natahotra ny hatezeran'i Saoly amin' i Davida
2. Toy izao koa no ataon'i Satana amin'i Jesosy
3. Efa an'i Jesosy ny fanjakana fa tsy manaiky Satana ka manenjika Azy sy ny olony
4. Maro ny Goliata eo amin'ny fiainantsika. Efa resin'i Jesosy ireny.

